

91286



912860



NEW ZEALAND QUALIFICATIONS AUTHORITY
MANA TOHU MĀTAURANGA O AOTEAROA

QUALIFY FOR THE FUTURE WORLD
KIA NOHO TAKATŪ KI TŌ ĀMUA AO!

2

SUPERVISOR'S USE ONLY

Level 2 Te Reo Māori, 2016

91286 Pānui kia mōhio ki te reo o te ao torotoro

9.30 a.m. Thursday 1 December 2016

Credits: Six

Paetae	Kaiaka	Kairangi
Pānui kia mōhio ki te reo o te ao torotoro.	Pānui kia mārama ki te reo o te ao torotoro.	Pānui kia mātau ki te reo o te ao torotoro.

Check that the National Student Number (NSN) on your admission slip is the same as the number at the top of this page.

You should attempt ALL the questions in this booklet.

If you need more room for any answer, use the extra space provided at the back of this booklet.

Check that this booklet has pages 2–8 in the correct order and that none of these pages is blank.

YOU MUST HAND THIS BOOKLET TO THE SUPERVISOR AT THE END OF THE EXAMINATION.

TOTAL

ASSESSOR'S USE ONLY

NGĀ TOHUTOHU

E TORU ngā pātai matua kei te whakamātautau nei. Pānuihia ngā kōrero o ia kōwae, kātahi ka whakautu i ngā wāhanga KATOA o ia pātai.

INSTRUCTIONS

There are THREE holistic questions in this exam. You must read each passage of the story and then answer ALL parts of the questions as instructed.

KŌWAE TUATAHI: He rā ki tua!

Oho moata ake ana tō mātou whare i te ata o te Rāhoroi. Ko tēnei te rā e tākaro ai tō mātou tīma whutupāoro o Te Kariwai ki te tīma o Te Haupoto. He tāone iti noa iho nei a Te Kariwai, engari e whakahīhī hoki ana mātou i tō mātou tāone. I ngā tau e rua kua pahemo atu nei, i katia tō mātou whare patu mīti, ā, e noho matawaenga tonu ana te hāpori nā te hūnuku o te nuinga o ngā kaimahi o taua whare patu mīti ki wāhi kē, ki whenua kē rānei whai oranga ai. Heoi anō, he kaupapa tēnei e whakaihihi ai ngā ngākau o ngā tāngata o te tāone nei.

Pakaru mai ana a Tamanuiterā i ngā paemaunga o Tītīreia. Kāore e kore, he rangi tino ātaahua kei te tū mai. Ko Tōmairangi te kaihautu o te tīma o Te Kariwai. Ko Hinematatūwhenua au, tētahi o ōna tuāhine. Ko ia tētahi o ngā toki o te tīma. Ki a au, kāore he tangata i tua atu i a ia ki te tākaro whutupāoro i te takiwā o te Nōta.

Kuputaka

matawaenga	<i>undecided / uncertain of future</i>
whakaihihi	<i>excite</i>
Nōta	<i>North</i>

KŌWAE TUARUA: Tineia te ahi, auahi tahi!

Tae mai ana te tīma o Te Haupoto, kei te papatākaro te nuinga o te tāone i tēnei wā. Kei te whāia ngā kau e Pāpā Heketa rātou ko āna tama i te papatākaro. Ko tēnei te whiringa toa o ngā tīma whutupāoro o tēnei takiwā. Kei te taha mātou ko ōku hoa i te whare tīni kākahu e whetē atu ana ki te hoariri. Kātahi ka mea atu taku hoa a Merepeka:

“Ē hika! He tāngata kaitā te hanga o ngā pou mua o te hoariri nē, e Hine?”

Ko tāku nei ki a ia:

“Ahakoa te nui o te tōtara e Mere, ka topea e ngā toki kapukapu o Te Kariwai.”

“He tika tāu e mea mai nā,” te kī mai a Hōhepa ki a māua.

Ka kī a Mere:

“Tēnā, me kimi tātou he tūru i te pae mātakitaki kei riro ngā tūru katoa i te takitini.”

Kuputaka

whetē	<i>stare</i>
kaitā	<i>big / large</i>
toki kapukapu	<i>metal adze</i>

KŌWAE TUATORU: Ko te hapa a tētahi, he maringanui nō tētahi atu!

Ka taukumekume ngā tīma e rua. E rua piro noa iho te tiriwā i waenganui i ngā tīma, heoi anō, e toru noa ngā miniti e toe ana. Kei mua te ihu o Te Kariwai i tēnei wā, engari kei a Te Haupoto te pāoro, ā, e tuke whakamua ana rātou i roto i ngā miniti whakamutunga. Kātahi ka whati te rārangi ārai o Te Kariwai. E oma ana te kāpene o te hoariri ki te raina piro, kāore he kaiārai kei mua i a ia; kātahi ka paheke ia, ka taka te pāoro me te kanga anō hoki. Ka kata ngā kaiaru i a ia. Ka kōwhio mai te wīhara whakamutunga o te kēmu. Kua toa a Te Kariwai.

Haruru mai ana ngā reo o te hāpori o Te Kariwai i te wikitōria o tō mātou tīma. Ka oma atu au ki tōku tungāne, ka awhi au i a ia. Ka kohimu mai ia:

“Nō tātou te waimaria e Hine, nā te hamuti o ngā kau i wikitōria ai.”

Kuputaka

tiriwā	<i>gap</i>
tuke whakamua	<i>nudge ahead</i>
kaiārai	<i>defender</i>
kaiaru	<i>pursuer</i>

